



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-6801/24  
Sarajevo, 09.10.2024. godine

Na osnovu člana 42. Statuta Grada Sarajeva („Službene novine Kantona Sarajevo”, broj 7/23), gradonačelnica Grada Sarajeva donosi:

### **ZAKLJUČAK**

1. Utvrđuje se Prijedlog Odluke o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja porodica djece i osoba sa poteškoćama u razvoju „Dajte nam šansu“
2. Predlaže se Gradskom vijeću Grada Sarajeva da Odluku iz tačke 1. Zaključka razmatra po hitnom postupku, u skladu sa članom 127. Poslovnika Gradskog vijeća Grada Sarajeva, obzirom da za donošenje ovog akta postoji neodložna i hitna potreba te bi donošenje akta u redovnom postupku dovelo do nepotrebnog odugovlačenja u odlučivanju o ovom pitanju, a prevashodno cijeneći značaj i sadržinu predložene Odluke, prije svega značenje navedenog udruženja za cijelu lokalnu zajednicu.

Rukovodilac Stručne službe za poslove  
kabineta i poslove Gradske uprave,  
**Dženana Šarčević, dipl. iur.**

**GRADONAČELNICA**

**Prof. dr. Benjamina Karić**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 407 443  
**Fax:** +387 33 208 341  
**Email:** [grad@sarajevo.ba](mailto:grad@sarajevo.ba)  
**Web:** [www.sarajevo.ba](http://www.sarajevo.ba)





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja porodica djece i osoba sa poteškoćama u razvoju „Dajte nam šansu“**  
**(Prijedlog)**

**Predlagač:** Gradonačelnica

**Obrađivač:** Stručna služba za poslove kabineta  
i poslove Gradske uprave

**Sarajevo, oktobar 2024. godine**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na 43. sjednici održanoj dana 09.10.2024. godine, donijelo je:

**(Prijedlog)**

### **Odluku**

**o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja porodica djece i osoba sa poteškoćama u razvoju „Dajte nam šansu“**

#### **Član 1.**

Zadužuje se gradonačelnica Grada Sarajeva da shodno zakonu i drugim propisima razmotri mogućnost podrške i novčane pomoći Grada Sarajeva Udruženju porodica djece i osoba sa poteškoćama u razvoju „Dajte nam Šansu“ za potrebe rada, aktivnosti i nesmetanog funkcionisanja Dnevnog centra za djecu i osobe s teškoćama u razvoju /s invaliditetom u Kantonu Sarajevo u iznosu od 100.000,00 KM.

#### **Član 2.**

Sredstva iz člana 1. ove odluke bit će obezbjeđena u Budžetu Grada Sarajeva za 2024. godinu.

#### **Član 3.**

Sa Udruženjem iz člana 1. ove Odluke zaključit će se poseban Sporazum kojim će detaljno regulisati međusobna prava i obaveze.

#### **Član 4.**

Ova odluka stupa na snagu danom donošenja, a bit će objavljena u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

**Jasmin Ademović**

**Broj:  
Sarajevo, 09.10.2024. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća za donošenje odluka, drugih propisa i općih akata, kao i davanje njihovog tumačenja.

### **RAZLOZI DONOŠENJA**

Gradu Sarajevo i Gradskom vijeću Grada Sarajeva u ranijem periodu molbama za pomoć i podršku obraćalo se Udruženje porodica djece i osoba sa poteškoćama u razvoju „Dajte nam Šansu“, navodeći da ovo Udruženje vodi dva Servis centra u Kantonu Sarajevo, te da je kao Udruženje od značaja za Kanton Sarajevo pokrenulo projekat otvaranja prvog Dnevnog centra za djecu i osobe s teškoćama u razvoju/s invaliditetom u Kantonu Sarajevo.

Nesporno je da je projekat Dnevnog centra značajan za cijelu lokalnu zajednicu obzirom da u Gradu Sarajevo, ali i šire, ne postoji niti jedan centar ove vrste koji bi služio potrebama ove osjetljive populacije.

Inače, ovaj projekat otpočeo je u ranijem periodu, a uskoro se očekuje i njegovo zvanično otvaranje.

Usluge Centra moći će koristiti djeca i osobe s poteškoćama u razvoju iz cijelog Kantona Sarajevo, a što uključuje i četiri gradske općine.

Kapacitet centra je 30 djece, a što praktično znači pomoć i podršku za 30 porodica čija djeca se susreću s poteškoćama u razvoju.

Cijeneći naprijed navedeno, podrška koju bi dao Grad Sarajevo ima svoju opravdanost i služila bi potrebama jedne od najosjetljivijih kategorija našeg Grada, a što u konačnici jeste naša dužnost i obaveza.

Temeljem navedenog, Prijedlog Odluke o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja porodica djece i osoba sa poteškoćama u razvoju „Dajte nam šansu“, dostavlja se Gradskom vijeću na razmatranje i odlučivanje.

### **FINANSIJSKA SREDSTVA**

Za realizaciju Odluke sredstva će biti obezbjeđena u Budžetu Grada Sarajeva za 2024. godinu.